

**Broj: 02-3-3-AK-4480-1/24
Sarajevo, 05. 06. 2024.**

Na osnovu člana 7. Pravila studiranja za treći ciklus studija na Univerzitetu u Sarajevu (01-4-9-1/24 od 28. 02. 2024. godine) Vijeće doktorskog studija „Biomedicina i zdravstvo“ Univerziteta u Sarajevu – Medicinskog fakulteta na 1. elektronskoj sjednici održanoj 05. juna/lipnja 2024. godine donosi

**POSLOVNIK O RADU
VIJEĆA DOKTORSKOG STUDIJA „BIOMEDICINA I ZDRAVSTVO“
UNIVERZITETA U SARAJEVU – MEDICINSKOG FAKULTETA**

I OPĆE ODREDBE

Član 1.

(Predmet poslovnika)

Poslovníkom o radu Vijeća doktorskog studija Univerziteta u Sarajevu – Medicinskog fakulteta (u daljem tekstu: poslovnik) utvrđuje se način rada Vijeća doktorskog studija Univerziteta u Sarajevu – Medicinskog fakulteta (u daljem tekstu: Vijeće studija), a naročito: sastav, nadležnosti, način sazivanja sjednica, utvrđivanje dnevnog reda, predsjedavanje, tok sjednice, odlučivanje i vođenje zapisnika.

Član 2.

(Vijeće studija)

- (1) Vijeće studija je stručno tijelo Univerziteta u Sarajevu – Medicinskog fakulteta (u daljem tekstu: Fakultet) koje rukovodi trećim ciklusom studija u skladu sa Zakonom, Statutom Univerziteta i Pravilima studiranja za treći ciklus studija Univerziteta u Sarajevu - doktorski studij i odgovorno je za njegovo nesmetano funkcioniranje.
- (2) Poslove iz svoje nadležnosti vijeće studija obavlja na sjednicama u prostorijama Fakulteta ili elektronski.

Član 3.

(Sastav Vijeća studija)

- (1) Vijeće doktorskog studija, sa pravom glasa, sačinjavaju:
 - a) Voditelji nastavnog procesa obaveznih i izbornih predmeta

- b) Prodekan/ica za naučno-istraživački rad
 - c) Predsjednik/ica/Rukovodilac Vijeća doktorskog studija
- (2) Vijeće doktorskog studija bira predsjednika/predsjednicu iz reda redovnih ili vanrednih profesora/ica na period od 2 (dvije) godine.
 - (3) Predsjednika Vijeća studija, imenuje (potvrđuje) dekan/ica Fakulteta nakon izbora od strane Vijeća studija.
 - (4) Predsjednik/ca Vijeća studija je ujedno i rukovodilac Vijeća studija.
 - (5) U radu Vijeća studija, po funkciji učestvuju prodekan/ica za naučno-istraživački rad, sekretar fakulteta i sekretar Vijeća studija.
 - (6) Sekretar Fakulteta i sekretar Vijeća studija ne mogu učestvovati u donošenju odluka.
 - (7) Mandat članova/ica Vijeća studija je određen trajanjem funkcije po osnovu koje su stekli članstvo u Vijeću studija.

Član 4.

(Nadležnost Vijeća studija)

- (1) Vijeće studija rješava sva pitanja koja se odnose na organizaciju i tok studiranja i predlaže odluke koje donose stručna tijela Vijeća Fakulteta i Univerziteta.
- (2) Vijeće studija rješava sva pitanja koja se odnose na organizaciju i tok studiranja, a posebno:
 - a) utvrđivanje prijedloga odluka prema Vijeću Fakulteta o svim akademskim, nastavnim, naučnim i stručnim pitanjima iz oblasti trećeg ciklusa studija
 - b) predlaganje Vijeću Fakulteta nastavnih planova i programa trećeg ciklusa studija, kao i njihovo preispitivanje
 - c) utvrđivanje prijedloga Vijeću Fakulteta o broju studenata za upis na treći ciklus studija
 - d) predlaganje Vijeću Fakulteta raspisivanje konkursa za upis na treći ciklus studija
 - e) utvrđivanje prijedloga plana realizacije nastave trećeg ciklusa studija
 - f) usvajanje individualnih planova doktorskog studija
 - g) usvajanje tema doktorskih disertacija
 - h) predlaganje Vijeću Fakulteta formiranje komisija za provođenje postupka rangiranja kandidata za upis na treći ciklus studija, kao i komisija za žalbe
 - i) utvrđivanje prijedloga za obrazovanje komisija za ocjenu individualnih planova
 - j) utvrđivanje prijedloga za obrazovanje komisija za ocjenu uslova kandidata i podobnosti teme doktorske disertacije prema Vijeću Fakulteta (za kandidate koji studiraju po Pravilima iz 2010. godine)
 - k) utvrđivanje prijedloga za obrazovanje komisija za ocjenu doktorske disertacije prema Vijeću Fakulteta (za kandidate koji studiraju po Pravilima iz 2010. godine)
 - l) utvrđivanje prijedloga za obrazovanje komisija za odbranu doktorske disertacije prema Vijeću Fakulteta (za kandidate koji studiraju po Pravilima iz 2010. godine)
 - m) utvrđivanje prijedloga za obrazovanje komisija za ocjenu i odbranu projekta, radne verzije i doktorske disertacije (Komisija Univerziteta) prema Vijeću Fakulteta (za kandidate koji studiraju po pravilima iz 2018. i 2024. godine)

- n) obavljanje drugih poslova u skladu sa Statutom Univerziteta i Pravilima studiranja za treći ciklus studija

II NAČIN RADA VIJEĆA STUDIJA

Član 5.

(Sjednice Vijeća)

- (1) Sjednice Vijeća studija mogu biti redovne i vanredne.
- (2) Sjednica Vijeća studija može se održati elektronskim putem (elektronska sjednica) na način i pod uvjetima utvrđenim ovim poslovníkom.
- (3) Sjednice Vijeća studija se neće sazivati u dane državnih, vjerskih praznika i u vrijeme trajanja ljetnog odmora.
- (4) Sjednicu Vijeća studija, saziva i njome rukovodi predsjednik/ica Vijeća studija.
- (5) U slučaju spriječenosti predsjednika/ice Vijeća studija da predsjedava, sjednicom predsjedava Dekan/ica ili Prodekan/ica za naučno-istraživački rad.

Član 6.

(Vrijeme održavanja sjednica)

- (1) Redovne sjednice Vijeća studija održavaju se u skladu sa akademskim kalendarom, u pravilu jednom u mjesec dana.
- (2) U hitnim slučajevima, na osnovu ukazane potrebe održavaju se vanredne sjednice Vijeća studija.

Član 7.

(Poziv za sjednice)

- (1) Sjednice Vijeća studija sazivaju se upućivanjem pisanog poziva članovima u elektronskoj formi.
- (2) Poziv se upućuje u pravilu tri radna dana prije datuma određenog za održavanje sjednice.
- (3) U hitnim slučajevima, sjednica Vijeća studija može se sazvati i u kraćem roku od onog utvrđenog stavom 2. ovog člana, a najkasnije u roku od 24 sata prije zakazane sjednice.
- (4) U slučaju iz stava 3. ovog člana, materijal za sjednicu se može dostaviti članovima Vijeća studija, neposredno prije početka sjednice.

Član 8.

(Elektronska sjednica)

- (1) Vijeće studija odluke iz svoje nadležnosti u slučajevima opravdanih razloga, (hitnosti, uštede vremena, manjeg obima pristiglog materijala i sl.) donosi i održavanjem sjednica elektronskim putem (elektronska sjednica).
- (2) Poziv za elektronsku sjednicu Vijeća studija dostavlja se na način utvrđen članom 7. ovog poslovnika.
- (3) U slučaju održavanja elektronske sjednice, u pozivu za sjednicu koji se dostavlja svim članovima Vijeća studija na njihovu e mail adresu, uz dnevni red određuje se početak i završetak sjednice, u kojem se roku članovi Vijeća studija trebaju očitovati elektronskim putem.
- (4) Elektronska sjednica smatra se pravovaljanom ako je natpolovična većina članova Vijeća studija putem elektronske pošte izvršila glasanje.
- (5) Kod održavanja elektronske sjednice, članovi Vijeća studija se na svaku tačku dnevnog reda posebno očituju na dostavljenom obrascu na način da se navede broj tačke dnevnog reda o kojoj se izjašnjavaju, uz navođenje "za" ili "protiv".
- (6) O toku elektronske sjednice sastavlja se zapisnik koji se verificira na prvoj sljedećoj sjednici Vijeća studija.

III POZIV I MATERIJAL ZA SJEDNICU

Član 9.

(Sadržaj poziva za sjednicu)

- (1) Poziv za sjednicu Vijeća studija, obavezno sadrži: oznaku (redni broj) sjednice, dnevni red sjednice, mjesto i datum održavanja i vrijeme početka sjednice, potpis lica koje saziva sjednicu.
- (2) Uz poziv za sjednicu dostavlja se i zapisnik sa prethodne sjednice Vijeća studija.
- (3) Prijedlog dnevnog reda priprema predsjednik Vijeća studija, na osnovu pristiglih materijala vezanih za pitanja iz nadležnosti Vijeća.

Član 10.

(Dnevni red)

- (1) Svaki član Vijeća studija ima pravo da predlaže izmjene i dopune dnevnog reda.
- (2) Svaki član Vijeća studija ima pravo da predloži da se određeno pitanje skine sa dnevnog reda, ali mora da obrazloži svoj prijedlog.

IV RAD SJEDNICE VIJEĆA STUDIJA

Član 11.

(Kvorum za rad)

- (1) Predsjedavajući/ća otvara sjednicu Vijeća studija.
- (2) Prije prelaska na predloženi dnevni red utvrđuje se postojanje potrebne većine za rad Vijeća studija.
- (3) Prisustvo na sjednici Vijeća studija utvrđuje osoba određena za vođenje zapisnika.
- (4) Potrebna većina za rad sjednice Vijeća studija (kvorum za rad) je natpolovična većina od ukupnog broja članova Vijeća studija.
- (5) Ako ne postoji kvorum za rad, sjednica Vijeća studija se odlaže i zakazuje novi datum održavanja sjednice.

Član 12.
(Prijedlog dnevnog reda)

- (1) Ako postoji kvorum za rad, predsjedavajući/ća Vijeća studija stavlja prijedlog dnevnog reda na usvajanje, uključujući i raspravu o istom. Diskusija članova Vijeća studija u ovoj fazi ne može trajati duže od tri minute.
- (2) O obrazloženim prijedlozima i dopunama dnevnog reda, članovi vijeća izjašnjavaju se javnim glasanjem o svakom prijedlogu pojedinačno.
- (3) Predložena izmjena ili dopuna dnevnog reda je usvojena, ako se za nju izjasni natpolovična većina od ukupnog broja članova Vijeća studija.
- (4) Ako je na jednu predloženu tačku dnevnog reda stavljeno više prijedloga, tada se glasa za svaki dati prijedlog pojedinačno, onim redom kojim su prijedlozi stavljeni.
- (5) Prihvaćen je prijedlog za koji se izjasnila natpolovična većina od ukupnog broja članova Vijeća studija.
- (6) Ukoliko nema primjedbi na dnevni red ili dopunu dnevnog reda, odnosno ako se ne usvoje predložene izmjene ili dopune dnevnog reda, dnevni red se usvaja javnim glasanjem.

Član 13.
(Prva tačka dnevnog reda)

- (1) Prva tačka dnevnog reda je usvajanje zapisnika sa prethodno održane sjednice Vijeća studija.
- (2) O primjedbama na zapisnik, članovi Vijeća studija se izjašnjavaju glasanjem.
- (3) Zapisnik na čiji sadržaj nisu stavljene primjedbe kao i zapisnik sa saglasno usvojenim primjedbama smatra se usvojenim kada se za njega izjasni natpolovična većina od ukupnog broja članova Vijeća studija.

V NAČIN DONOŠENJA ODLUKA

Član 14.
(Akti Vijeća studija)

- (1) Vijeće studija u skladu sa utvrđenom nadležnošću u svom radu donosi: a) odluke; b) prijedloge odluka; c) prijedloge zaključaka; i d) stav.
- (2) Utvrđeni prijedlozi odluka, zaključaka i stavova, prosljeđuju se Vijeću Fakulteta na razmatranje i usvajanje.

Član 15.
(Učešće u diskusiji)

- (1) Član Vijeća koji želi da učestvuje u diskusiji mora da prethodno zatraži odobrenje od predsjedavajućeg.

Član 16.
(Glasanje)

- (1) Predsjedavajući/a Vijeća studija formuliše prijedlog odluke, zaključke ili stava, a potom se članovi izjašnjavaju za ili protiv prijedloga.
- (2) Glasanje se obavlja dizanjem ruke članova Vijeća studija.
- (3) Vijeće studija utvrđuje prijedloge nadpolovičnom većinom glasova od ukupnog broja članova Vijeća.
- (4) U slučaju da je broj glasova za ili protiv manji od nadpolovične većine potrebne za usvajanje odnosno neusvajanje prijedloga, glasanje se po prijedlogu ponavlja na narednoj sjednici.
- (5) Vijeće studija, nadpolovičnom većinom od ukupnog broja članova, može odlučiti da se o određenom pitanju obavi javno glasanje pojedinačnim izjašnjavanjem svakog člana i to tako što se nakon prozivanja svaki član/ica odvojeno izjašnjava za ili protiv prijedloga.

VI ODRŽAVANJE REDA

Član 17.
(Rad na sjednici)

- (1) Predsjedavajući/a Vijeća studija je odgovoran/na za tok rada i održavanje reda na sjednici Vijeća studija.
- (2) U ostvarivanju ciljeva iz stava 1. ovog člana, predsjedavajući/a Vijeća studija:
 - a) omogućit će članu/ici Vijeća studija da izloži svoju diskusiju po jednoj tački u trajanju od najviše tri minute i najviše dvije replike u trajanju do dvije minute svaka, a da pri tome ne bude ometan/a u izlaganju;
 - b) dužan/na je pružiti zaštitu digniteta svakog člana/ice Vijeća studija;
 - c) upozorit će člana/icu Vijeća studija, ako je u svojoj diskusiji ili replici odstupio/la od tačke dnevnog reda o kojoj se u tom času vodi rasprava.

Član 18.
(Mjere upozorenja)

- (1) Zbog povrede reda na sjednici predsjedavajući/a Vijeća studija može članovima izreći neku od sljedećih mjera:
- a) upozorenje, u slučaju prekoračenja vremena za diskusiju ili repliku;
 - b) upozorenje u slučaju narušavanja reda;
 - c) upozorenje u slučaju narušavanja digniteta člana/ice Vijeća studija;
 - d) oduzimanje riječi, za slučaj da je članu Vijeća studija već izrečena neka od naznačenih mjera.
- (2) Izrečene mjere se unose u zapisnik.

VII ZAPISNIK

Član 19.
(Vođenje zapisnika)

- (1) O radu Vijeća studija vodi se zapisnik.
- (2) Zapisnik vodi, sačinjava i potpisuje zapisničar.
- (3) Po potrebi sjednice se mogu tonski snimati.

Član 20.
(Sadržaj zapisnika)

- (1) Zapisnik o radu Vijeća studija obavezno sadrži:
- a) redni broj sjednice;
 - b) datum, mjesto i vrijeme održavanja sjednice;
 - c) ime i prezime predsjedavajućeg sjednice i zapisničara;
 - d) imena i prezimena prisutnih i opravdano i neopravdano odsutnih članova Vijeća studija;
 - e) imena prisutnih koji nisu članovi Vijeća studija;
 - f) dnevni red sjednice;
 - g) ime i prezime podnosioca zahtjeva, prijedloga, izvještaja;
 - h) po svakoj tački dnevnog reda: kratak sadržaj predmeta glasanja, podatke o glasanju i usvojenu odluku, zaključak ili stav;
 - i) izdvojena mišljenja, stavljene prigovore ili primjedbe;
 - j) ostale relevantne događaje sa sjednice;
 - k) potpis predsjedavajućeg i zapisničara;

Član 21.

(Obaveze u vezi sa zapisnikom)

- (1) Izmjene i dopune zapisnika vrše se samo na osnovu odluke Vijeća studija prilikom njegovog usvajanja.
- (2) Zapisnik potpisuje predsjedavajući/a Vijeća studija i zapisničar.
- (3) Zapisnik se mora sastaviti u roku od tri dana od dana održavanja sjednice Vijeća studija.
- (4) Original zapisnika čuva se u arhivi i u nadležnoj službi kao dokument trajne vrijednosti.
- (5) Članovi Vijeća studija imaju pravo uvida u zapisnik.

Član 22.

(Obaveze predsjednika/ice Vijeća studija)

Predsjedavajući/a Vijeća studija stara se o prosljeđivanju utvrđenih prijedloga, zaključaka i stavova Vijeća Fakulteta.

VIII PRELAZNE I ZAVRŠNE ODREBE

Član 23.

Izmjene i dopune poslovnika vrše se na način i po postupku za njegovo donošenje.

Član 24.

Poslovnik stupa na snagu danom usvajanja i biti će objavljen na oglasnoj ploči i web stranici Fakulteta.

**PREDSJEDNIK VIJEĆA
DOKTORSKOG STUDIJA**



Prof. dr. Zlatan Zvizdić

VIJEĆE DOKTORSKOG STUDIJA

Broj: 02-3-3-AK-4480/24

Sarajevo, 05. 06. 2024.

Na osnovu člana 7. Pravila studiranja za treći ciklus studija na Univerzitetu u Sarajevu, Vijeće doktorskog studija na svojoj 1. redovnoj sjednici održanoj 05. 06. 2024. godine donosi

ODLUKU

I

Usvaja se Poslovnik o radu Vijeća doktorskog studija „Biomedicina i zdravstvo“ Univerziteta u Sarajevu Medicinskog fakulteta, 2024. godina.

II

Ova odluka stupa na snagu danom donošenja od kada se i primjenjuje.

Obrazloženje:

Stupanjem na snagu Pravila studiranja za treći ciklus studija na Univerzitetu u Sarajevu broj 01- 4-9-1/24 od 28. 02. 2024. godine, kojima se bliže uređuje organizacija, trajanje i izvođenje studija, kao i druga pitanja u vezi sa organizacijom i realizacijom studija, stavljena su van snage Pravila studiranja za treći ciklus studija na Univerzitetu u Sarajevu (broj 01-1101-79-1/18 od 19. 12. 2018. godine sa pripadajućim izmjenama i dopunama. Shodno tome, u cilju stvaranja uslova za nesmetan rad i funkcionisanje Vijeća doktorskog studija, u skladu sa navedenim Pravilima studiranja za treći ciklus studija na Univerzitetu u Sarajevu, Vijeće doktorskog studija je donijelo Odluku kao u dispozitivu.

PREDSJEDNIK VIJEĆA
DOKTORSKOG STUDIJA

Prof. dr. Zlatan Zvizdić

Dostavljeno:

1. Članovima VDS
2. Arhiva VDS
2. a/a

Akt obradila. Mr. sci. Amna Krilić, šefica Službe za podršku NIR-u

Akt kontrolisala: Taida Nakić, šefica Službe za nastavu

Šef službe za opće, pravne i kadrovske poslove Univerziteta u Sarajevu-Medicinskog fakulteta, u odsustvu sekretara Fakulteta, potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Predsjednik Vijeća doktorskog studija Univerziteta u Sarajevu - Medicinskog fakulteta nadležan za donošenje iste shodno članu 7. Pravila studiranja za treći ciklus studija na Univerzitetu u Sarajevu-doktorski studij.

Šef službe za opće, pravne i kadrovske poslove Univerziteta u Sarajevu-Medicinskog fakulteta, na osnovu Ovlaštenja Dekana br: 01-3-2892/23 od 28.04.2023. godine
Svjetlana Bajramović dipl. iur.